



# ՍՈՒՐԲ ԶԱԿՈՒԹ

## ԱՌԱՋՆՈՐԴԱՆԻՍՏ ՄԱՅՐ Ե ԿԵՂԵՑԻ

### Վերափոխման Ետք Երկրորդ Կրտսեր

27 ՕԳՈՍՏՈՒ 2023

Կիրակնօրեայ Ընթերցումներ	Էջ 1
Ծանուցումներ	Էջ 2

### ԸՆԹԵՐՑՈՒՄ ԵՍԱՅԻ ՄԱՐԴԱՐԱԿԻ ԳԻՐՔԵՆ (9.8-19)

**S**էրը դատավճիռ արձակեց Յակոբի որդիներուն, այսինքն հսրայէլի թագաւորութեան դէմ. այդ մասին պիտի իմանայ ամբողջ ժողովուրդը, այսինքն Եփրեմը եւ Սամարիայի բնակիչները, որոնք հպարտութեամբ եւ ամբարտաւան սիրտով կ'ըսեն. “Աղիւսէ տուները փլան, ի՞նչ փոյթ, մենք նորերը կը կանգնենք տաշուածքարերով. մայրիներ ու եղեւիններ կը կտրենք եւ աշտարակ կը շինենք մեզի համար”: Ուստի Տէրը թշնամիներ պիտի յարուցանէ անոր դէմ, պիտի գրգուէ անոր թշնամիները, արեւելքէն՝ ասորիները եւ արեւմուտքէն՝ փղշտացիները, որոնք բաց բերանով պիտի կլլեն հսրայէլը: Այսքանով Տիրոջ բարկութիւնը չիջաւ. անոր ձեռքը դեռ բարձրացած կը մնայ՝ պատմելու համար: Որովհետեւ հակառակ իր ստացած հարուածին՝ ժողովուրդը չզղջաց, չդարձաւ ու չփնտուեց Երկնային Զօրքերու Տէրը: Ուստի Տէրը մէկ օրուան մէջ պիտի կտրէ հսրայէլի դլուխն ու պոչը, մեծն ու պզտիկը: Գլուխը՝ ծերերն ու աչքառու մարդիկն են, իսկ պոչը՝ ստութիւն սորվեցնող մարդարէները: Առաջնորդները իրենք մոլորած՝ երանիներով մոլորեցուցին այս ժողովուրդը, որպէսզի կլլեն զայն: Այդ պատճառով ալ Տէրը անոնց երիտասարդներուն պիտի չխնայէ. անոնց որբերուն եւ այրիներուն պիտի չողորմի, որովհետեւ բոլորն ալ անօրէն են եւ չար, անոնց բերանները միայն անիրաւութիւն կ'արտաքերեն: Ուստի տակաւին

Տիրոջ բարկութիւնը չիջաւ. անոր ձեռքը դեռ բարձրացած կը մնայ՝ պատմելու համար: Որովհետեւ, իրենց անօրէնութիւնը պիտի այրէ զիրենք կրակի մը պէս, որ կը սպառէ չորցած սէզերն ու փուշերը եւ կը խանձէ անտառին թանձրախիտ ծառերը, ծուխի սիւներ դէպի երկինք նետելով: Տիրոջ բարկութենէն երկիրը պիտի այրի, ժողովուրդը ինք հրոյ ճարակ պիտի դառնայ եւ իրենք զիրենք փրկելու համար մարդիկ իրենց հարազատներուն իսկ պիտի չխնայեն:

ՊՈՂՈՍ ԱՌԱՔԵԱԼԻ  
ԿՈՐՆԹԱՑԻՆԵՐՈՒՆ ԳՐԱԾ  
ԵՐԿՐՈՐԴ ՆԱՄԱԿԻՆ  
(1.1-11)

**Ե**ս, Պօղոս, Աստուծոյ կամքով Յիսուս Քրիստոսի առաքեալը, եւ Տիմոթէոս՝ մեր եղբայրը, կը գրենք ձեզի՝ Կորնթոսի մէջ հաստատուած Աստուծոյ Եկեղեցիին եւ ամբողջ Աքայիայի մէջ գտնուող Քրիստոնեաններուդ: Թող Աստուած մեր Հայրը եւ Տէր Յիսուս Քրիստոս շնորհք եւ խաղաղութիւն պարգևեն ձեզի:

Օրհնեալ ըլլայ Աստուած, մեր Տէր Յիսուս Քրիստոսի Հայրը, որ Հայրաբար կը գթայ եւ որպէս Աստուած կը մխիթարէ ու կը զօրացնէ մեզ մեր բոլոր նեղութիւններուն մէջ, որպէսզի մենք կարենանք Աստուծմէ մեր վայելած օգնութիւնն ու մխիթարութիւնը տալ անոնց՝ որոնք ամէն տեսակի նեղութեանց մէջ են: Որովհետեւ, որքան շատ բաժնեկից ըլլանք Քրիստոսի չարչարանքներուն, այնքան աւելի մեծ պիտի ըլլայ իր օգնութիւնն ու մխիթարութիւնը մեզի: Մենք նեղութեանց կ'ենթարկուինք՝ ձեզի օգնելու եւ Աստուծոյ փրկութիւնը ձեզի բերելու համար. եւ եթէ Աստուած կ'օգնէ մեզի՝ կրկին ձեզի օգնելու համար է, որպէսզի մեր օրինակով սորվիք

թէ Աստուած ձեզ ալ պիտի զօրացնէ՝ որ  
համբերութեամբ կարենաք տանիլ այն  
չարչարանքները որ մենք հիմա կը կրենք:  
Ուստի ձեր վրայ հաստատուն յոյս ունինք,  
գիտնալով որ քանի մեր չարչարանքներուն  
մասնակից էք՝ մեր ունեցած միաթարութեան  
ալ մասնակից պիտի ըլլաք:

Եղբայրներ, կ'ուզեմ որ գիտնաք թէ ի՞նչ  
նեղութիւն կրեցինք Ասիայի մէջ։ Մեր կարո-  
ղութենէն ա՛յնքան վեր էր բեռը, որ գրեթէ  
ապրելու յոյսը կորսնցուցինք։ Զգացինք որ  
մահուան վճիռը կախուած է մեր վրայ։ Բայց  
ատիկա եղաւ, որպէսզի սորվինք մենք մեզի  
չապաւինիլ, այլ Աստուծոյ որ կը յարուցանէ  
մեռելները։ Ա՛ն էր որ այդպիսի ահաւոր  
մահուընէ մը փրկեց մեզ, կը փրկէ, եւ վստահ ենք  
որ մեզի համար ձեր կատարած աղօթքներուն  
օդնութեամբ յառաջիկային եւս պիտի փրկէ։  
Եւ ձեր աղօթքները, որոնց շնորհիւ Աստուած  
իր հովանին անպակաս պիտի ընէ մեր վրայէն,  
պատճառ պիտի ըլլան որ շատեր գոհութիւն  
տան Աստուծոյ։

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԻՆ  
ԸՍՏ ՄԱՐԿՈՍԻ  
(4.35-41)

**Յ**ոյն օրը երեկոյեան, Յիսուս իր  
աշակերտաներուն ըստ. «Եկէք լիճին  
միւս կողմը անցնինք»։ Աշակերտները  
ձգեցին ժողովուրդը եւ բարձրացան այն  
նաւակին մէջ ուր Յիսուս կը գտնուէր։ Հոն  
ուրիշ նաւակներ ալ կային։

Յանկարծ զօրաւոր հով մը փոթորկեց  
ծովը։ Ալիքները նաւակին զարնուելով՝ ներս  
կը թափէին, զայն լեցնելու աստիճան, մինչ  
Յիսուս նաւակին յետակողմը բարձի մը  
վրայ կը քնանար։ Աշակերտները արթնցուցին  
զինք եւ ըսին. «Վարդապե՛տ, հոգդ չէ՞ որ  
մենք կը կորսուինք»։ Յիսուս ոտքի ելելով  
հովուն սաստեց. «Դադրէ՛», եւ ծովուն  
ըստ. «Հանդարտէ՛»։ Հովը դադրեցաւ եւ  
կատարեալ հանդարտութիւն տիրեց։ Ապա  
Յիսուս դարձաւ իր աշակերտներուն. «Ինչո՞ւ  
այսպէս վախկոտ էք. տակաւի՞ն հաւատք  
չունիք»։ Անոնք չափազանց վախցան եւ  
իրարու կ'ըսէին. «Ո՞վ է արդեօք այս մարդը,  
որուն նոյնիսկ հովն ու ծովը կը հնազանդին»։

## Այժելեթէ՛ք Եկեղեցիոյ Դիմացետորի էջը

ԵՒ  
ԶԵՐ ՀԱԽԱՌԱԹԻՒԽԻ  
յայՏԱԵԹԷՔ (like).

[www.facebook.com/  
SourpHagopChurch-  
Montreal](http://www.facebook.com/SourpHagopChurch-Montreal)

Այժելեթէ՛ք ԱԱԵՒ  
Ս. ՅԱԿՈԲ  
ԱՊԵԶԱՐԴԱԿԱՒՏ  
ՄԱՅՐ ԵԿԵՂԵՑԻ  
ԿԱՅՔԵՋԸ  
[www.sourphagop.net](http://www.sourphagop.net)

Հոգէւազաւեան  
ԶԵՐ ԱՐՁԱՎԳՐՈՒԹԻՒՆՆԵՐԸ  
ԱԿԽՈՐԾ ԿԱՏԱՐԵՅՔ ԿԱՊՈՒԵԼՈՎ  
ԵԿԵՂԵՑԻ ԳՐԱՍԵՆԱՎԿ  
514 331 5445 x202 ԹԻՒԻՆ